

摘藻堂四庫全書薈要

子部

欽定四庫全書卷會要

子部

御定廣羣芳譜卷

十九

詳校官主事臣陳本

欽定四庫全書薈要卷一萬五百七十二子部

御定佩文齋廣羣芳譜卷九

穀譜



原黍汜勝之書云黍者暑也待暑而生暑後乃成也說文云黍可為酒從禾入水為意六書精蘊云禾下

從余象細粒散垂之形今注云禾之結者為黍一名秬爾雅云秬黑黍一名秠爾雅云秠

一稃二米注云此亦有黃白黎三色米皆黃比粟微大

北人呼為黃米屬火南方之穀性溫益氣補中久食令

人多熟小兒忌食他如牛黍燕頤馬革驢皮稻尾大黑黍秀成赤黍皆黍之異名也 增廣志有濕屯黃黍有

田黍堰云鶯鶯之名 齊民要術今俗有鶯關一黍半夏

黍 博雅黍穰謂之稊 原苗穗與稷同宜肥地多收

刈後乘濕即打則稊易脫遲則稊著粒上難脫

彙考原詩王風彼黍離離 曹風芄芃黍苗陰雨膏之

小雅我黍與與 大雅誕降嘉種維秬維秠 恒之

秬秠是穫是畝 周頌豐年多黍多稌 增詩小序華

黍時和歲豐宜黍稷也 禮記曲禮黍曰薺合疏黍曰

薺合者夫穀秣者曰黍秣既軟而相合氣息又香故曰

薺合也 原王制秋薦黍 月令仲夏之月農乃登黍

天子乃以雛嘗黍羞以含桃先薦寢廟注必以黍者黍

火穀氣之主也 增周禮天官羊宜黍疏羊宜黍者羊

味甘熟黍味苦溫甘苦相成故云羊宜黍 左傳其藏

之也黑牡秬黍以享司寒 國語黍而不黍不能蕃庶

原史記封禪書管仲說威公曰古之封禪鄒上之黍

北里之禾所以為盛 增漢書律歷志度者分寸尺丈
引也所以度長短也本起黃鍾之長以子穀秬黍中者
一黍之廣度之九十分黃鍾之長注師古曰子穀猶言
穀子秬即黑黍中者不大不小也言取黑黍穀子大小
中者率為分寸也 原宋書符瑞志黃帝時南夷乘白
鹿來獻秬鬯 增隋書隱逸傳李士謙字子約趙郡平
棘人也李氏宗黨豪盛每至春秋二社必高會極歡無
不沉醉喧亂嘗集士謙所盛饌盈前而先為設黍謂羣

從曰孔子稱黍五穀之長荀卿亦云食先黍稷古人所
尚容可違乎少長肅然不敢弛惰退而相謂曰既見君
子方覺吾徒之不德也 唐書王績傳績有奴婢數人
種黍春秋釀酒養鳧雁蒔藥草自供 山海經廣都之
野后稷葬焉爰有膏黍膏稷註言味好滑如膏 驪頭
之國維宜芑苳穆楊是食註苳黑黍今字從禾 原家
語孔子侍坐於魯哀公設桃具黍公曰以黍雪桃也孔
子對曰夫黍五穀之長也祭先王以為上盛果有六而

桃為下祭先王不得入於廟丘聞之也君子以賤雪貴
不聞以貴雪賤今以五穀之長雪瓜蓆之下是侵上忽
下也 增列子鄒衍在燕有谷地美而寒不生五穀鄒
子吹律而溫風至今傳名曰黍谷 原韓子吳起欲攻
秦小亭置一石赤黍於東門外令人能徙於西門外者
賜之上田宅人爭徙之乃下令曰明日攻秦能先登者
與之大夫賜之上田宅於是攻之一朝而拔 增韓子
韓昭侯之時黍種嘗貴畝有昭侯令人覆廩廩吏果竊

黍種而糴之 淮南子渭水多力而宜黍 焦氏易林

中田高黍以享王母受福千億所求大得 下田種黍

芳華當齒大雨淋集紛榮滿壅 春秋佐助期黍神名

俯佞姓蘭郝 春秋說題辭精移火轉生黍夏出秋改

黍者縮也故其立字木入米為黍酒以扶老 東觀漢

紀承宮字少子瑯琊人嘗將妻子入華蓋蒙陰山谷耕

種禾黍臨熟人就認之宮便推與而去由是發名 古

今注和帝元興元年黑黍穗一禾二實或三四實生任

城得粟二斛八斗以薦宗廟 博物志黑墳宜麥黍

紀年書惠成王八年雨黍 文中子藝黍登場歲不過

數石以供祭祀賓客之酒也 談數王元景大醉楊遵

彥曰何大低昂元景曰黍熟頭低麥熟頭昂黍麥俱有

所以低昂 農桑通訣秬鬯一亩此言黍之為酒尚矣

今有赤黍米黃而黏可蒸食白黍釀酒亞於糯秫又北

地遠處惟黍可生其莖穗低小可以釀酒又可作饌粥

黏滑而甘凡祭祀以為上盛貴其色味之美也 原成

化元年天雨黑黍於襄陽

集藻賦增晉嵇含孤黍賦余慎終屋之南榮有孤黍生
焉因泥之濕遭土之潤宿昔芽蘖滋茂甚速塗燥根淺
忽然萎隕深感此黍不韜種以待時貧榮棄本寄身非
所自取凋枯不亦宜乎

文賦散句原漢張協七命大梁之黍瓊山之禾唐稷播
其根農帝嘗其華 增劉穎魯都賦禾黍油油旂族垂
芒殘穗滿握一穎盈箱 魏王粲登樓賦華實蔽野禾

黍盈疇

四言古詩原晉束皙華黍黜黜重雲習習和風黍華陵
巔麥秀丘中靡田不播九穀斯豐 奕奕玄霄濛濛甘
雷黍發稠華亦挺其秀靡田不植九穀斯茂 無高不
播無下不植芒芒其稼參參其穡穡我王委克我民食
玉燭陽明顯猷翼翼

詩散句增唐李白東臯春事起種黍早歸田 杜甫耕
田秋雨足禾黍已映道 賴知禾黍收已覺糟床注

原耿漳古道無人行秋風動禾黍 宋蘇軾今年秋應
熟過從飽雞黍 金趙元還思釀新黍甕面挹秋江
唐曹鄴黑黍春來釀酒飲青禾刈了驅牛載 增韋應
物禾黍積東菑 宋邵雍黃黍秋正熟 陸游種黍蹋
麴蘖 唐白居易陶令有田唯種黍 韋莊主人饋餉
炊紅黍 宋王安石連山沒雲皆種黍 陸游黍酒新
成壓小槽

別錄增齊民要術凡黍稷田新開荒為上大豆底為次

穀底為下地必欲熟

再轉乃佳若春夏耕者下種後再勞為良

一畝用子四

升三月上旬種者為上時四月上旬為中時五月上旬

為下時夏種黍稷與植穀同時非夏者大率以耨赤為

候

諺曰耨離種黍時

燥濕候黃塲種訖不曳耨常記十月十一

月十二月凍樹日種之萬不失一

東樹者凝霜封著木條也假令月三日凍

樹還以月三日種黍他皆倣此十月凍樹宜早黍十一月凍樹宜中黍十二月凍樹宜晚黍若從十月至正月

皆凍樹者早晚黍悉宜也

苗生隴平即宜耙勞鋤三遍乃止鋒而不

耨

苗晚耨即刈稔欲早刈黍欲晚

稔晚多零落黍早米不成

皆即濕

踐之稭踐訖即蒸而裒之

不蒸者難舂米碎蒸則易舂米堅香氣經夏不散

黍

宜曬之令燥

濕聚則鬱

凡黍黏者收薄稭味美者亦收薄難

舂 雜陰陽書曰黍生於榆六十日秀秀後四十日成

黍生於巳壯於酉長於戌老於亥死於丑惡於丙午忌

於丑寅卯稭忌於未寅孝經援神契云黑墳宜黍麥尚

書考靈曜云夏火星昏中可以種黍菽 汜勝之書曰

種黍必待暑先夏至二十日此時有雨疆土可種黍一

畝三升黍心未生雨灌其心心傷無實黍心初生畏露

令人對持長索槩去其露日出乃止凡種黍覆土鋤治
皆如禾法欲疎於禾按疎黍雖科而米黃又多減及空
令概雖不科而米白且均熟不減更勝疎者汜氏云欲
疎於禾其義未聞 崔氏曰四月蠶入簇時雨降可種
黍禾夏至先後各二日可種黍蟲食李者黍貴也 原
製用三月三日取黍麴和菜作羹能避時氣黍米性黏
可釀酒可作餲可蒸煮為糕麋五月五日俗以菰葉裹
成糉名角黍祭三閭大夫遺製也 合葵菜食成痼疾

合牛肉白酒食生寸白蟲 穰及根煮汁解苦瓠毒浴

去浮腫 醉卧黍穰令人生厲落眉髮

稷

原稷一名稌

六書故云稷稌同聲實一字也本草云稷從夂夂進力治稼也種稷者必夂夂進力

也南人承北音呼稷為稌謂可供祭也

一名粢

爾雅云粢稷疏云粢者稷也

闕西謂之

糜

音靡見唐本草

冀北謂之緊

音牽去聲廣雅云緊稌也

苗似蘆莖高三四

尺有毛結子成枝而疎散外有薄殼粒如粟而光滑色

紅黃米似粟米而稍大色黃鮮麥後先諸米熟炊飯疎

爽香美故以供祭食之益氣安中宜脾利胃涼血解暑
壓丹石毒屬土脾之穀也脾病宜食多食發冷病 增
本草稷與黍一類二種也黏者為黍不黏者為稷稷可
作飯黍可釀酒猶稻之有粳與糯也其色有赤白黃黑
數種黑者禾稍高俗通呼為黍子不復呼為稷矣北邊
地寒種之有補河西出者顆粒尤硬 廣志稌有赤白
黑青黃鶯鶯凡五種破減稷逼麥稷此二者以四月熟
齊民要術按今俗有驢皮稌 博雅稷穰謂之穰

彙考原詩王風彼稷之苗 小雅我稷翼翼 增禮記

曲禮稷曰明粢疏稷曰明粢者稷粟也明白也言此祭祀明白粢也 月令孟秋之月農乃登穀註穀謂稷也

周禮天官豕宜稷疏豕宜稷者豕豬味酸牝豬味苦稷米味甘甘苦相成故曰豕宜稷 隋書天文志稷五

星稷農正也取乎百穀之長以為號也 穆天子傳天

子西征至于赤烏之人獻稌麥百載 天子北征入于

曹奴之人獻稌米百車 天子西征至于鷄韓氏爰有

樂野溫和稌麥之所草天子東南翔行馳驅千里至

於巨蒐之人獮奴獻秋麥千車膜稷三十車原吕氏

春秋飯之美者有陽山之稷增風俗通米之神為稷

故以癸未日祠稷於西南水勝火為金相也孝經說

稷者五穀之長五穀衆多不可徧祭故立稷而祭之

尚書考靈曜春鳥星昏中以種稷秋虛星昏中以收斂

白虎通稷者得陰陽中和之氣而用尤多故為長也

獨斷稷神蓋厲山氏之子柱也柱能植百穀帝顓頊

之世舉以為田正天下賴其功周棄亦播植百穀以稷
五穀之長也因以稷名其神也 齊民要術穀者總名
非止為粟也然今人專以稷為穀俗名之耳 爾雅翼
稷者五穀之長以其中央之穀月令中央土食稷與牛
五行土為尊故五穀稷為長 兼明書或問曰稷既百
穀之神不言穀而云稷者何也荅曰稷屬土而為諸穀
之長故月令謂之首種首種者種最在前也諸穀不可
徧舉故舉其長而為言之以等之也若直以穀言則為

人所褻慢也

別錄增兩鈔摘腴毛詩傳注先集維霰曰霰稷雪也或謂之米雪謂其粒若稷米然本草衍義稌米其香可愛故取以供祭祀然發故疾只堪作飯不黏其味淡

原稷三月種耘四遍七月熟四五月亦可種但收少遲耳刈稷欲早八九月熟便刈少遲遇風即落忌與籼子附子同食

蜀黍

原蜀黍一名蜀秫

種自蜀來故以蜀為名農政全書云其黏者近秫故借名為秫

一名

蘆稭一名蘆粟一名高粱

形類黍稷而高大如蘆荻故有諸名

一名木稷

一名荻梁

廣雅云荻梁木稷也

種宜卑下地春月早種得子多秋

收莖麤高丈餘狀似蘆荻而內實葉亦似蘆穗大如帚

粒大如椒紅黑色米性堅實黃赤色熟時先刈其穗稽

成束攢而立之方得乾米有二種黏者可和糯秫釀酒

作餌不黏者可作糕煮粥可濟飢亦可養畜莖可織箔

編席夾籬供爨梢可作筴帚殼浸水色紅可以紅酒有

利於民者最博性溫潤溫中澀腸胃止泄瀉

彙考增博物志三年種蜀黍其後七年多虵

別錄增農政全書玄扈先生曰蜀秫在北方地不宜麥
禾者乃種此尤宜下地立秋後五日雖水潦至一丈深
不能壞之立秋前水至即壞故北土築堤二三尺以禦
暴水

附錄玉蜀黍

原作御麥附麥後按御麥乃
別名實蜀黍類也今移入此

原玉蜀黍一名玉高粱一名戎菽一名御麥

以其曾經
進御故名

御麥出西番舊名番麥按農政全書又作玉米玄扈先生曰玉米或稱玉麥或稱玉蜀秫從他方得種其曰米麥秫皆借名之幹葉類蜀黍而肥矮亦似薏苡苗高三四尺六七月開花成穗如秬麥狀苗心別出一苞如梭魚形苞上出鬚如紅絨垂垂久則苞拆子出顆顆攢簇子粒如芡實大而瑩白花開於頂實結於節

粟

原粟

古作粟象穗在禾上之形說文云粟之為言續也續於穀也

梁屬也

蓋梁之細者本草云

穗大而毛長粒麤者為梁穗小而毛短粒細者為粟北方直名之曰穀脫殼則謂

之小米 增本草粟一名私粟古以粟為黍稷梁秫之
總稱而今之粟在古但呼為梁後人乃專以梁之細者
名粟大抵黏者為秫不黏者為粟故呼此為私粟以別
秫而配私 原稈高三四尺似蜀秫稈中空有節細而
矮葉似蘆小而有毛穗似蒲有毛顆粒成簇性鹹淡養
脾胃補虛損益丹田利小便解熱毒陳者尤良北人日
用不可缺者諺云穀三千一穗之實至三千顆言多也
其名或因姓氏地里或因形似時令早則有趕麥黃百

日糧六十日還倉之類中則有八月黃老軍頭之類晚
則有鴈頭青寒露粟鐵鞭頭之類又有梁穀滑穀白穀
白穀黃米黃穀白米之類 增廣志有赤粟白莖有黑
格雀粟有張公斑有含黃有蒼背稷有雪白粟亦名白
粟又有白藍下竹頭青白遼麥擢石精狗蹠之名種云
齊民要術朱穀高居黃劉猪獬道愍黃聒穀黃雀懊
黃續命黃百日糧有起婦黃辱稻糧奴子場音加支穀
焦金黃鶻鳩合履今一名麥爭場此十四種早熟耐旱

免蟲聒穀黃辱稻糧二種味美今墮車下馬看白羣羊
懸蛇赤尾龍虎黃雀民漆馬洩韁劉猪赤李谷黃河摩
糧東海黃石駢歲青莖青黑好黃陌南木隈隄黃宋黃
癡指張黃兔肱青惠日黃寫風赤一覲黃山嵯頃黨黃
此二十四種穗皆有毛耐風免雀暴寶珠黃俗得白張
鄰黃白嵯穀鉤於黃張蟻白耿虎黃都奴赤茹蘆黃薰
猪赤魏爽黃白莖青竹根黃調母梁磊礮黃劉沙白憎
延黃赤梁穀靈忽黃獺尾青續得黃得容青孫延黃猪

矢青烟熏黃樂婢青平壽黃鹿櫛白醴折作黃稗穆阿
居黃赤巴梁鹿蹄黃鉞狗倉可憐黃米谷鹿櫛青阿返
此三十八種中麤大穀白醴穀調母梁二種味美擇谷
青阿居黃猪矢青有二種味惡黃稗穆樂婢青二種易
舂石柳閱竹葉青一名胡谷水黑穀忽泥青衝天棒雉
子青鴟脚穀雁頭青攬堆黃青子規此十種晚熟耐蟲
災則盡矣

彙考原左傳襄公二十九年鄭子展卒子皮即位於是

鄭饑而未及麥民病子皮以子展之命餽國人粟戶一
鍾 晉書孝友傳劉殷夢人曰西籬下有粟寤而掘之
果得粟十五鍾銘曰七年粟賜孝子劉殷 宋書符瑞
志文帝元嘉二十二年醴湖屯生瑞粟一莖九穗 增
宋史食貨志初農時太宗嘗令取畿內青苗觀之聽政
之次出示近臣是歲畿內菽粟苗皆長數尺帝顧謂左
右曰朕每念耕稼之勤苟非兵食所資固當盡復其租
稅 管子桓公觀於野曰何物可比君子之德隰朋曰

粟可比君子之德管仲曰苗始出生也眴眴乎似孺子
安之則安不得則危命之曰禾可比君子桓公曰善

原韓非子鄒穆公有令食鳧雁者必以秕無敢以粟鳧
雁無食而以一石粟易一石秕其費甚矣請以粟食之
公曰非爾所知也夫百姓餉牛而耕曝背而耘勤而不
敢惰者豈為鳥獸食哉粟米人之上食也奈何以養鳥
汝知小計而不知大害矣淮南子昔者倉頡作書而
天雨粟增風俗通燕太子丹仰天歎天為雨粟焦

氏易林新田宜粟上農得穀君子懷德以千百福 春
秋說題辭粟助陽扶性粟之為言續也粟五變一變而
以陽生為苗二變而秀為禾三變而祭然謂之粟四變
入白米出甲五變而蒸飯可食陽以一立為法故粟積
大一分穗長一尺文以七列精以五六立故其字為粟
西者金所立米者陽精故西字合米而為粟 博物志
雁食粟則翼重不能飛 古今注武帝建元四年天雨
粟 宣帝地節三年長安雨黑粟 元帝竟寧元年山

都縣兩粟色青黑味苦大者如小豆小者如麻子 拾
遺記樂浪之東有背明之國宜種百穀有搖枝粟其枝
長而弱無風常搖食之益髓有鳳冠粟似鳳鳥之冠食
者多力有游龍粟葉屈曲似游龍也有瓊膏粟白如銀
食此二粟令人骨輕 員嶠山一名環丘上有方湖周
迴千里多大鵲高一丈銜不周之粟粟穗高三丈粒皎
如玉鵲銜粟飛於中國故世俗間往往有之其粟食之
歷月不饑故呂氏春秋云粟之美者有不周之粟焉

述異記宋文帝即位而江表二千餘里野粟生焉 原

唐紀宣宗大中二年福建進瑞粟十五莖莖五六穗

增全唐詩話李紳初以古風求知於呂溫溫見齊煦誦
憫農詩曰春種一粒粟秋收萬顆子四海無閒田農夫
猶餓死鋤禾日當午汗滴禾下土誰知盤中飧粒粒皆
辛苦曰此人必為卿相果如其言 泉州志紫帽山有
金粟洞宋李邴云唐時泉人客洛陽邂逅一羽衣寄書
紫帽隱者既歸授書遺以粟米半升還家視之金粟也

宋寧宗御書金粟之洞四字刻於石

集藻七言律詩增宋朱子次秀野種粟韻阿香一笑走
豐隆雨徧平疇萬頃中舊喜樊遲知學圃今看許子快
論功遙憐鬱鬱翻秋隴預想垂垂弄晚風珍重詩翁且
強健東阡南陌興無窮

詩散句增唐李白雖有數斗玉不如一盤粟韓愈困
倉穀粟滿未有旦夕憂杜甫瘦地翻宜粟方干春
粟引高泉宋陸游雲嶼鋤畬粟唐杜甫鳥雀若肥

秋粟菽

梁

按梁與粟一類二種原譜於粟部內獨載青梁一種者非今從本草增入又按爾雅纂赤苗註

云今之赤梁粟芑白苗註云今之白梁粟芑同
糜詩大雅維糜維芑傳用爾雅疏亦引郭註以
解之自蘓頌圖經本草列於黍部李時珍
本草綱目因之而遂辨郭註為非誤矣

增本草梁

梁者良也穀之良者也

即粟也

周禮九穀六穀之名有梁無粟

自漢以

後始以大而毛長者為梁細而毛短者為粟今則通呼

為粟而梁之名反隱矣今世俗稱粟中之大穗長芒麤

粒而有紅毛白毛黃毛之品者即梁也蘓恭曰黃梁出蜀

漢商浙間穗大毛長穀米俱麤于白梁而收子
少不耐水旱食之香美勝于諸梁人號竹根黃
毛多且長而穀麤扁長不似粟固也
米亦白而大食之香美亞于黃梁
青而細于黃白梁粒似青顆而少麤早熟而收薄夏月
食之極為清涼但味短色惡不如黃白梁北人少種之
作餲清白
勝于餘米
以作粥
廣志有具梁解梁有遼東赤梁魏武帝常

彙考增禮記曲禮梁曰薺其疏梁曰薺其者梁謂白梁
黃梁也其語助也 周禮天官犬宜梁疏犬宜梁者犬
味酸而溫梁米味甘而微寒氣味相成故云犬宜梁

集藻五言律詩原唐杜甫佐還山後寄一首白露黃粱
熟分張素有期已應春得細頗覺寄來遲味豈同金菊
香宜配綠葵老人他日愛正想滑流匙

詩散句增唐杜甫新炊間黃粱

別錄原種穀地欲肥耕欲細欲深秋耕更佳種欲成實
不秔用臘雪水浸過耐旱辟蟲時欲仲春得雨為妙小
雨欲接濕大雨須俟少乾先耙後種種後旋以石砢砢
令上堅則苗出旺相如遇天旱苗出土仍砢春種欲深

夏種欲淺早禾晚禾欲兼種防歲有所宜一云閏月年
宜晚田然大率宜早早田收多於晚早田淨而易治晚
者蕪穢難治且早穀米實而多晚穀皮厚米少而虛行
欲稀諺云稀穀大穗來年好麥鋤穀鋤以三遍四遍
為度第一遍曰撮苗留苗欲密第二遍曰定科留其壯
者去其密者弱者第三遍曰擁本鋤欲深擁其土以護
根則耐旱第四遍曰復壟俗名添米五穀惟小鋤為良
苗出壟則深鋤鋤不厭數周而復始勿以無草而怠功

鋤者非止去草蓋地熟而實多糠薄而米美鋤得十遍
可得八米春鋤起地夏鋤除草春鋤不用觸濕六月以
後雖濕亦無嫌刈穀食貨志云力耕數耘收穫如盜
賊之至故熟速刈乾速積刈早則傷鎌刈晚則折穗遇
風則收減濕積則藁爛積晚則粒耗連雨則生耳所以
收穫不可緩也收穫者農事之終務本者可急焉而自
棄其前功乎積穀周禮地官曰舍人掌粟入之藏註
曰九穀俱藏以粟為主神農之教曰有石城十仞湯池

百步帶甲百萬而無粟弗能守也北方水土深厚害地而藏可數十年不壞

秣

按秣與粟同類異種原譜言粟而不及秣今從本草增入

增爾雅衆

音終

秣注謂黏黍也疏與穀相似其莖桿似禾

而麤大者是也本草秣一名糯秣一名糯粟一名黃

糯

秣字篆文象其禾體柔弱之形俗呼糯粟北人呼為黃糯亦曰黃米釀酒劣於糯也

蘓恭曰凡

黍稷粟秣稷糯三穀皆有私糯也李時珍曰秣即梁米粟米之黏者有赤白黃三色皆可釀酒圖經謂秣為黍

之黏者說文謂秣為稷之黏者古今注謂秣為稻之黏者皆誤也惟蘓恭以粟秣分秈糯孫炎注爾雅謂秣為黏粟者得之 廣志有胡秣早熟及麥 齊民要術按今世有黃梁穀秣桑根秣檇天培秣也

景考增晉書孔羣傳羣性嗜酒嘗與親友書云今年田得七百石秣米不足了麴蘖事 燕翼貽謀錄宋种放有別墅在終南山聚徒講學性嗜酒種秣自釀林泉之景頗為幽勝真宗聞之欲幸其家而不果咸平六年遣

使畫圖以進 澄懷錄種明逸嗜酒嘗種秫自釀曰空
山清寂聊以養和自號雲谿醉侯 聞奇錄徐庭實巡
官說乾符中武義縣有人入山掘地二尺忽陷丈餘深
數尺收得秫百斛莫知其由將醞酒其味濃厚

詩散句增晉陶潛春秫作美酒酒熟吾自斟 宋陸游
供秫借留客 元方夔種秫田多早帶秋

附錄 穆子

原穆子一名龍爪粟一名鴨爪稗

本草云穆乃不黏之稱亦不實之貌龍爪

鴨爪象其形也北地荒坡處種之苗葉似穀至頂抽莖有三稜

開細花簇簇結穗如粟穗而分數岐如鷹爪之狀內有細子如黍粒而細褐色味澀桴甚薄碾米煮粥炊飯磨麴蒸食皆宜可救荒

附稗
錄稗

增爾雅藜莢注藜似稗布地生穢草疏似稗之穢草也爾雅翼稗與稗二物也皆有米而細小本草稗乃禾之卑賤者也故字從卑陳藏器曰有二種一黃白色

一紫黑色紫黑者似芑有毛北人呼為烏禾 原稗野
生苗葉似稭子色深綠根下葉蒂紫色梢頭出扁穗結
子如黍粒茶褐色味微苦用與稭子同食之益氣宜脾
故曹植有芳菲精稗之稱苗根治金瘡及損傷血出不
已搗敷即止甚驗每一斗得米三升稭苗似稗而穗如
粟有紫毛即烏禾也可救荒又可殺蟲煮以沃地螻蛄
皆死

彙考增孟子五穀者種之美者也苟為不熟不如莠稗

莊子道在稊稗 原淮南子離先稻熟而農夫薅之
不以小利傷大獲也注離與稻相似 增江表傳吳五
鳳元年交趾稗草化為稻 三峽考峽內隙地沙土宜
黍稷菽麥獨不宜秔秠耳又一種自滇中來者曰雲南
稗一曰雁爪稗以形似名亦播種畦植與五穀爭價東
南所無也

集藻七言古詩增元方回種稗歎農田插秧秧綠時稻
中有稗農未知稻苗欲秀稗先出拔稗飼牛惟恐遲今

年澗西田沒水却向澗東糴稗子一斗稗子價幾何已
值去年三斗米天災使然廣勝真焉得世間無稗人
別錄增汜勝之書稗既堪水旱種無不熟之時又特滋
茂良田畝得二三十斛魏武使典農種之頃收二千斛
斛得米三四斗釀酒甚美飢炊食不減粟米可備荒稗
稗一畝則當稻稗二畝宜擇其秔長而粒大種之倘遇
水旱便可多種亦救荒之一助

附錄
稗

增爾雅稂童梁注稂莠類也疏今人謂之宿田翁或謂之守田也說文稂禾秀之穗生而不成者謂之董節

爾雅翼稂惡草與禾相雜本草一名狼尾草

爾雅云孟

狼尾註云似茅可以覆屋本草拾遺謂即此物按爾雅已釋稂曰童梁果為一物不當重出也姑存之以備考

陳藏器曰生澤地似茅作穗廣志云子可作黍食李時珍曰莖葉穗粒並如粟而穗色紫黃有毛荒年亦可采食

彙考增詩曹風冽彼下泉浸彼苞稂小雅不稂不莠

韓詩外傳馬不過稂莠

附錄 茵草

增爾雅皇守田注似燕麥子如雕胡米可食生廢田中
一名守氣 爾雅翼茵米可為飯生水田中苗子似小
麥而小四月熟久食不饑爾雅所謂皇守田也

附錄 蒯草

增爾雅翼蒯草子堪食如杭米

附錄 東廬

增廣志東廬色青黑粒如葵子似蓬草色青黑十一月
熟出幽涼并烏丸地 魏書烏丸地宜東廬似稭可作
白酒 本草東廬生河西河西人語云貸我東廬償爾
田梁

附錄 梁禾

增本草李時珍曰廣志云梁禾蔓生其子如葵子其米
粉白如麴可作饘粥六月種九月收牛食之尤肥此亦
一穀似東廬者也

附錄
篩草

增本草篩草一名自然穀一名禹餘糧言禹治水棄其

餘糧化而為此

詳見後博物志

冠珣曰篩實如毬子八月收之

海上民常食中國未常見也李時珍曰方孝孺有海米行亦篩草之類也

彙考增博物志扶海洲上有草名曰篩其實如大麥從七月熟民斂穫至冬乃訖名曰自然穀或曰禹餘糧

集藻七言古詩增明方孝孺海米行海邊有草名海米

大非蓬蒿小非薺婦女攜籃晝作羣采摘聊於海中洗
歸來滌釜燒松枝煮米為飯充朝饑莫辭苦澁咽不下
性命聊假須臾時

附錄
感禾

增齊民要術感禾扶疎生實似大麥

附錄
楊禾

增齊民要術楊禾似薏粒細左折右炊停則牙生

附錄
火禾

增齊民要術火禾高丈餘子如小豆出粟特國

附錄
木禾

增山海經崑崙墟上有木禾長五尋大五圍

彙考增穆天子傳天子東征至於重鰓氏黑水之阿爰
有野麥爰有荅堇西膜之所謂木禾重鰓氏之所食

嘉禾

按詩注黍稷稻粱皆名為禾麻與菽麥則無禾稱傳稱嘉禾皆統言之故另列於諸穀之

後

原瑞應圖嘉禾五穀之長盛德之精也文者異本而同

秀質者同本而異秀此夏殷時嘉禾也 晉徵祥說王者盛德則嘉禾生嘉禾者仁卉也其大盈箱一稔二米增孝經援神契德下至地則嘉禾生 春秋運斗樞璇星明則嘉禾液 春秋感應符日下淪於地則嘉禾興 春秋說題辭天文以七列星以五故嘉禾之滋莖長五尺五七三十五神盛故連莖三十五穗以成盛德禾之極也

彙考原書大傳成王時有苗異莖而生同為一穗人有

上之者王召周公而問之公曰三苗為一穗抑天下其

合為一乎 增史記魯周公世家唐叔得禾異畝同穎

獻之成王成王命唐叔以餽周公於東土作餽禾周公

既受命禾嘉天子命作嘉禾 前漢書宣帝紀神爵元

年詔曰嘉穀玄稷降於郡國 郊祀志王莽使中郎平

憲誘羗還云天下太平一禾長丈餘故乞內屬 後漢

書鄭玄傳玄年十六號神童民有獻嘉禾者欲表府文

辭鄙略玄為改作又著頌一篇侯相高其才而修冠禮

焉 南蠻傳順桓之世板楮數反太守蜀郡趙溫恩信

降服於是宕渠出九穗之禾 吳志孫權傳黃龍三年

由拳野稻自生改為禾興縣 南始平言嘉禾生改明

年嘉禾元年 赤烏七年秋宛陵言嘉禾生 宋書符

瑞志漢安帝延光二年六月嘉禾生九真百十六本七

百六十八穗 宋文帝元嘉十一年八月嘉禾一莖九

穗生北汝陰 二十二年六月嘉禾生藉田一莖九穗

嘉禾生華林園百六十穗 二十四年七月嘉禾旅

生華林園及景陽山江夏王義恭獻嘉禾甘露頌中領
軍吉陽縣侯沈演之上嘉禾頌 二十五年六月嘉禾
生華林園十株七百穗 孝武帝大明元年五月嘉禾
一株五莖生清暑殿鴟尾中 嘉禾生青州異根同穗
南齊書祥瑞志永明元年正月新蔡郡獲嘉禾一莖
五穗 八月新蔡縣獲嘉禾二莖九穗一莖七穗 二
年八月梁郡睢陽縣界野田中獲嘉禾一莖二十三穗
魏書許謙傳謙子洛陽為雁門太守家田三生嘉禾

皆異壠合潁太祖善之進爵北地公加鎮南將軍 隋
書循吏傳梁彥光為岐州刺史甚有惠政嘉禾連理出
於州境開皇二年上幸岐州悅其能賜粟五百斛物三
百段御傘一枚 南史梁宗室傳始興忠武王憺子暕
為吳興太守郡累不稔中大通三年野穀生武康凡二
十二處自此豐穰暕製嘉穀頌以聞 舊唐書五行志
元和七年十一月龍州武安川會田中嘉禾生有麟食
之復生麟之來一鹿引之羣鹿隨之光華不可正視使

畫工圖麟及嘉禾來獻 新唐書代宗本紀乾元元年

四月立為皇太子初太子生之歲豫州獻嘉禾於是

為祥乃更名豫 宋史理宗本紀景定元年建陽縣嘉

禾生一本十五穗詔改建陽為嘉禾縣 遼史道宗本

紀太康三年九月玉田貢嘉禾 金史世宗本紀大定

二十四年正月辛卯真定進嘉禾二本六莖異畝同穎

五行志宣宗興定元年七月癸卯大社壇產嘉禾一

莖十五穗 十月丹州進嘉禾異畝同穎 熙宗皇統

四年正月乙丑陝西進嘉禾十二莖一本七穎 山海

經崑崙墟有禾末長五尋 穆天子傳闕山是唯天下

之良山也寶玉之所在嘉穀生之草木碩美天子於是

取嘉禾以歸樹於中國 瑞應圖舜時后稷播植天降

秬秠故詩曰天降嘉種惟秬惟秠 東觀漢記光武以

建平元年生於濟陽縣是歲有嘉禾生一莖九穗大於

凡禾縣界大熟因名上曰秀 原古今注漢魯恭拜中

牟令嘉禾生恭庭中 增會稽典錄謝承遷吳郡督郵

歲穰嘉禾六穗生於部屬

拾遺記炎帝始教民耒耜

躬勤畎畝之中時有丹雀銜九穗禾其墜地者帝乃拾之以植於田食者老而不死周成王五年有因祗之

國丈夫勤於耕稼一日鋤十頃之地貢嘉禾一莖盈車

故時俗四言詩曰力勤十頃能致嘉穎燕昭王時有

白鸞孤翔銜千莖穰穰於空中自生花實落地則生根

葉一歲百穫一莖滿車故曰盈車嘉穰崑崙山者西

方曰須彌山上有九層第三層有禾穰一株滿車續

搜神記廬陵巴丘人文晁者世以田作為業秋收已過
獲刈都畢明旦至田禾復湛然如先即便獲所獲盈倉
而巨富 大業拾遺錄七年九月太原郡有獻禾一本
三穗長八尺穗長三尺五寸大尺圍芒穗皆紫色鮮明
自禾以上三尺餘亦紫色有老人年八十餘以素木匣
盛之賜物三十段 西域記天竺國禾之長者沒索駝
酉陽雜俎婚禮納采有合驩嘉禾嘉禾分福也 原
唐紀代宗永泰元年秋京兆府上言鄠縣嘉禾生穗長

一尺餘穗上粒重疊如連珠 郭子儀上言寧朔縣界

荒地十五里有黑禾偶生徧地掃盡經宿復生其禾圓
實味甘美 增湧幢小品正德六年如皋縣嘉禾一本
有至百莖者其一本二十莖者尤多 原平陽縣志萬
歷辛卯縣民有田六畝同時插秧中三畝勃然奮發五
日即結穀收成縣以為嘉穀先登豐年大瑞 增揭陽
縣志嘉靖十年龍溪士人莊守德田稻一莖五穗以為
嘉禾獻於府知府丘其仁藏諸庫

集藻表增唐張說為留守奏嘉禾表臣聞天聽自人神

和在德代非乏瑞罕遇開泰之期福不虛徵必俟休明

之主伏惟皇帝陛下仁覆萬靈孝理四海政每先於帝

籍役不柰於農時嘉氣橫游祥風紛灑騰文煒色九光

連合於貞明逸輩殊倫百寶駢滋於動植臣今日日奉

進旨告望鳳臺慶山醴泉之瑞其日於山陵東栢城內

得嘉禾一本臣初見衆苗亘壟香穎垂秋嘉玩繁滋欲

觀成粒左右無識折以呈臣異其綠葉綬舒慈芒璧秀

熟視奇狀乃知嘉祥下則異畝合塋上又同連雙穗昔
雍熙之代政理之君雖導出應時而生不擇地未有託
根神域彰孝德之能深吐秀壽宮助粢盛之豐潔此蓋
睿誠通感靈祐降祥中古以來未覩斯美臣籍慶宗枝
久沐星潢之潤躬持瑞穎預奉天保之符忭悅之誠倍
兼恒品符載廬州進嘉禾表臣某言得廬州刺史裴
靖狀稱巢縣百姓唐海母喪廬墓手自耕植以備祠祭
無何於粟田之中輒產嘉禾一本六穗一本五穗即時

差錄事叅軍朱寧丁寧考驗事狀明白臣聞感天地者
存乎誠通神明者極乎孝蘊而為精粹發而為禎祥上
玄與之獻酬后土為之泄露故使騰芳高隴擢穎清秋
冠九穀之英英增大田之藹藹此皆陛下聖德茂鴻化
洽名教生人之內有淳孝靈瑞之下有嘉禾邁風烈於
前王煥丹青於唐史不然何幽贊玄荅其若是乎臣猥
以鈍劣祇守風土宣陛下之恩澤撫陛下之庶眚覩茲
盛美光榮耳目不勝歡忭踊躍之至 權德輿嘉禾合

穗表伏見武俊所奏恒州鼓城縣生嘉禾一本合穗又
盧徵奏華州鄭縣獲嘉禾一穗者謹按孫氏瑞應圖曰
嘉禾者五穀之長王者德茂則生伏惟陛下德叶玄功
仁育生類同穎擢秀殊祥並時昔周道既昌唐叔以獻
表天下和平之兆為陰陽訢合之符五穀登成百嘉儲
祉發於厚載集是休徵况嶽鎮之方表章繼至感通昭
晰莫甚於斯臣等忝列台司喜倍恒品 柳宗元賀嘉
禾表今月某日宰臣以幽州所進嘉禾圖各一軸示百

寮者伏以嘉穀順成靈貺昭格天人合應遐邇同心伏

惟皇帝陛下睿謀廣運神化旁行植物知仁祥圖應聖
靈嶽不愆於贊佑燕谷用遂於生成豐稔隨均知朔南
之被澤休嘉克叶見天地之同和六穗慚稱於漢臣異
畝恥書於周典自中形外均慶同歡臣謬職憲司獲覩
嘉瑞無任忭躍之至 禮部賀嘉禾及芝草表伏見今
月某日內出劔南所進嘉禾圖及陝州所進紫芝草示
百寮者珍圖煥開瑞彩交映遐邇偕至福應攸同伏惟

皇帝陛下緝熙至道保合太和天惟發祥地不愛寶嘉
禾擢質靈草抽英獻于王庭唐叔慚同穎之異薦諸郊
廟班史謝連葉之奇既呈薿薿之祥更覩煌煌之秀豐
年斯著聖壽用彰飲和之人歡忭無極臣等優游至化
披翫殊姿慶忭之誠倍百恒品 張仲素賀嘉禾表伏
見鄆州東平縣官莊地內有禾異壠雙本合成一穗畫
圖奏進傳示百寮者謹按瑞應圖曰王者德茂而太平
君臣和則嘉禾朱草以甲萌言不得中和之氣即不生

也伏惟陛下鼓和風茂休應泰階平於上下大中建於人臣神明是若徵見必報通彼殊壠總其雙莖滋大澤以冥造成嘉穗而薦和合為一彰至化之會同堅而好表資生之豐實推物類以得天意觀繪事而擬靈篇凡在班行咸同慶幸

狀增唐韓愈奏汴州得嘉禾嘉瓜狀謹按符瑞圖王者德至於地則嘉禾生伏惟皇帝陛下道合天地恩霑動植邇無不協遠無不賓神人以和風雨咸若前件嘉禾

等或兩根並植一穗連房或延蔓敷榮異實共蒂既叶
和同之慶又標豐稔之祥感自皇恩微莖何極於造化
親逢嘉瑞小臣喜過於休明

謳增魏曹植穀謳於穆聖皇仁暢惠渥辭獻減膳以服
鰥獨和氣致祥時雨灑沃野草萌芽變化嘉穀猗猗
嘉禾惟穀之精其洪盈箱協穗殊莖昔生周朝今植魏
廷獻之廟堂以昭祖靈

頌增宋劉義恭嘉禾頌并表臣聞居高聽卑上帝之功

天且弗違聖王之德故能影響二儀甄陶萬有鑒觀今
古採驗圖緯未有道闢化虧而頑物著明者也自皇運
受終辰曜交和是以卉木表靈山淵効寶伏惟陛下體
乾統極休符襲逮若乃鳳儀西郊龍見東邑海酋獻改
緇之羽河祇開侯清之源三代象德不能過也有幽必
闢無遠弗届重譯歲至休瑞日臻前者躬籍南畝嘉穀
乃植神明之應在斯尤甚四海既穆五民樂業思述汾
陽經始靈囿蘭林甫樹嘉露頻流板築初就祥穰如積

太平之符於是乎在臣以寡立承乏槐鉉浴沐芳津預
覩冥慶不勝忭舞之情謹上嘉禾甘露頌一篇不足稱
揚美烈追用悚汗頌曰二象攸分三靈樂主齊應合從
在今猶古天道誰親惟仁斯輔皇功帝績理冠區宇四
民均極我后體茲惟機惟神敬昭文思九族既睦萬邦
允釐德以位叙道致雍熙於穆不已顯允東儲生知風
轍嶽茂淵虛因心則哲令問弘敷繼徽下武儷景辰居
軒制合宮漢興未央矧伊聖朝九有已康率由舊典思

燭前王乃造陵霄遂作景陽有藹景陽天淵之渌清暑
爽立雲堂特起植類斯育動類斯止極望江波遍對嶽
峙化德惟達休瑞惟懋誕降嘉種呈祚初構甘露春凝
禎穰秋秀於今匪烈嗣歲仍富昔在放勳歷莢數朝降
及重華倚扇清庖鑠矣皇慶比物競昭倫彼典策被此
風謠資臣六蔽任兼兩司既慙仲袞又慙鄭縉豈忘衡
泌樂道明時敢述休祉愧闕令辭 沈演之嘉禾頌煥
炳禎圖昭晰瑞典運傾方閔時亨始顯穉狀既章烏文

斯辯於皇聖辟承物紀遠明兩辰麗昌輝天衍理妙
位崇事神業盛淵渥德澤虛寂道政協化安心調樂移
性玉衡從體瑤光得正臣星垂采景雲立慶極仁所
被罔幽不攘至和所感靡况弗彰駕出丹穴鸛起西廂
白鹿踰海素鳥越江結響穹陰儀形鐘陽治人奉天
廼勤廼格黛耜俶載高廩已積嘉禾重穆甘露流液擢
秀辰畦揚穎角澤離稂合豪榮區蔭斥盈箱徵殷貫
桑表周今我大宋靈貺綢繆帝終撫謙繹思勿休躬薦

宗廟溫恭率由降福以誠孝享虔羞 頒祉推功登徽
獻詔恩覃隱顯賞延荒徼河濂海夷山華嶽耀憬琛賔
賁兼澤委效日表地外改服請教 茂對盛時綏萬屢
豐厭厭歸素秩秩大同上藏諸用下知所從仰式王度
俯歌南風鴻名稱首永保無窮

贊增漢鄭玄婚禮謁文贊嘉禾為穀班祿是宜吐秀五
七乃名為嘉

賦增唐潘炎嘉禾合穗賦并序景龍二年秋八月屬縣

長子有嘉禾合穗瑞不虛月侯其偉而乃賦曰天祚明
德兮降之嘉生案彼靈篇兮莫之與京脉震土膏且分
苗於南畝駟臨天漢爰合穗以西成當元后之歷試表
休徵於太平不莠不稂實堅實阜引薰風於和氣承湛
露於蒼昊生非百里驗管仲之虛辭出異崑山自我皇
之取寶在瑞圖之右為曠代之祥唐叔得之而合穎周
成得之以充箱雙米一桴稱之表異孤莖六穗頌以非
常今也尤盛居然允臧轉風而屢騰佳氣就日而交見

祥光獨天不生託厚載於富媪非聖不感効元符於我
皇我皇得之熾而昌風之起兮雲之揚嘉禾之瑞未可
量天子億載臨萬方張真祥嘉禾合穎賦南山之下
兮無人之境力穡此中兮均夫躁靜勞則不憚既寒耕
而熟耘慶有所歸忽異畝而同穎莖駢惜芄芃之色秀
合垂蓊蓊之影此焉觀瑞亦祇以異比於木乃連理之
祥在於人盖同心之義稭已聞於二米莖乃殊於九穗
豈非德之能及實聖朝之所致爰考休徵豐年是憑麥

兩岐而能匹茅三脊而徒稱固神倉之可貯期郊廟之
以升欲薦堯階且聞程程之獲將登神膳遂入烜烜之
烝天道玄默瑞以表德豈無沃土而光於我家豈無異
方而祚此王國不有嘉生孰謂賓榮友朋之心因取興
於連茹兄弟之樂遂作戒於分荆佇聞唐叔之獻頌我
后之升平 趙蕃甸人獻嘉禾賦聖上崇國本致時康
動玄象之昭鑒產嘉禾而應祥甸人於是具畚鍤修封
疆啟芳穎於修畛薦靈姿於我皇懿夫挺拔自分連拳

相接始穰穰而齊實終矯矯而異葉殊其本均二氣以
發生同乎心表一德之和協不然者寧擢秀於墳衍載
具美於圖牒徵其瑞質稽彼大同見芬敷而共貫信縈
結以交通則知合乎帝道發自天功合穗之珍方將效
祉於今日異畝之美豈獨標奇於古風於是野老歡心
田夫盡力宛移根於沃壤之際俄發耀於丹墀之側祥
烟近拂乍疑連理之形喜氣傍臨更辨合歡之色彌彰
執契之道載助惟馨之德爾其天鑒之遠神珍是呈始

茗亭而間出終天矯而曲成豈比躬稼之時盡化晉君
之草挺生之歲克符漢帝之名向令質委離披孤生莽
蓐安得臨玉砌邇龍袞設種稂之萌芽為理化之根本
是知六府惟序萬邦式孚茅三脊而非偶獸共觝而自
殊未若耀青芳於近甸垂嘉貺於靈圖况復聖慮彌深
皇猷思永梯山航海未足契其休光菲食卑宮將欲示
其豐省斯所謂騰茂實於厚地故薦穗於重穎明沈
鯉嘉禾賦惟帝籍之千畝接宸極之宮牆翕垓埏之瑞

煒穆元辰於孟陽萃坤靈而厚載孕扶輿以發祥錯龍
鱗於原隰布鏤刻於騰疆沁玉河之沃潤浥金露之膏
瀼拓周臺之靈囿陋漢苑之朱堂感華胥於禁寓闢融
澤於扶桑禱農祥於地后震癉憤於天房蓋聖朝之所
以先稼穡備丞嘗展一人之孝思而闢社稷之靈長者
也粵惟我皇踐祚闡坤握乾仁亶義濊聖思廣淵契七
月之精蘊領無逸之真詮振天明而育德躬豐服於明
裡履桑林而簡器望三素以祈年當東作之平秩舉大

典於籍田親秉耒以三推御蔥韞於青龜命后稷以播
穀簡伯禹以疏泉班保介而終畝勞百辟於肆筵布陽
和於九有暢聖澤於八埏爾乃稍枕上達協氣旁通瑞
祉迸臻靈貺雲從沴氣神禦寶露時融宜暑宜寒十雨
五風將及我私先急我公我黍翼翼我稷芄芄既庭且
碩實大以豐乃有嘉禾秀擢蒙茸或一本而多岐或數
穗而同莖引瑤風以幻質濯玉漚而凝精陸離離以綴
蕾眩采采以含英落丹樾之芳潔燦瓊藥之晶瑩秉五

七之恒德挺九穗之奇碩累連珠而合穎壹金玉而本
生霈休符於甘雨銜滋液於璇星毓祥柯以五變耀泰
運於九莖天施雨而匪瑞日淪地而有徵譬禮義之多
富獵龍鳳之異名軼幽谷之蘭茝掩玄圃之松苓彼紫
麻綠苣豈嘉禾之與埒而碧麥靈苗詎並蔚而爭榮若
夫粟雨炎帝瑞發軒轅陶虞異稱魯史書年成周合穗
唐叔命篇字成雨於蒼頡穎頌著於鄭玄拳野產之而
名邑赤鳥因之以改元外此而朱萇歷於堯陞紫萁苗

於太原秀騰濟陰之境旅生建武之年稻孫揚粃於金
斗祥麟集食於武川敬仲乃啟封禪之所致汾陽極稱
天瑞之可傳此皆帝不貴乎金玉而寶夫衣食之源故
其政必調於函夏而時省斂於秋田之所致也乃有連
叢合隴七穗五岐三苗四熟珍綺紛披或北里之稱盛
或玄山之讓奇不周或呈其異種帝庭或獻自外夷或
光照九阿之謠或香聞五里之滋是以繁瓌侈稱於前
代而昌符踵應於來茲孰若聖世之休碩炳靈淑於神

祇實皇衷之淵塞特示象於疇蓍既登八極於安和仍
躋萬國於咸熙允阜澤之潛通羗弘化之寵綏於是田
畷至喜穡夫載忻僉曰異哉世所希聞薄言采之以獻
吾君於惟皇上勲華淑軌方且秉冲自下遜美弗居謂
嘉穀之呈象豈涼德之克符實先聖之顯烈膺上帝之
瑤圖也於是降明詔蠲吉辰徵太師之九奏舉宗伯之
十倫飭豆登而並薦筵尊俎以俱陳信曾孫之有道企
皇祖之居歆於是大禮告成億兆歡忻東漸海隅西暨

沙壩具瞻上瑞雷動風傳允在廷之臣工咸稽首以颺
言謂聖王治天下以孝而五穀為王政之先茲者聖德
廣運格於重玄一人有慶兆民賴焉將使至治刑於萬
國嘉祥載於普天皇風皞皞王道平平端冕垂旒四海
晏然明明天子壽考萬年 許國嘉禾賦勾吳文學躡
屨之燕會天子藻潤太平四方瑞應日奏闕下既聞有
獻嘉禾者羣公畢賀迺盱衡濯慮而往觀之邁徇華子
與好古先生辨論金門之左揖而聽其語徇華子曰吾

聞太和之氣醞釀堪興蓄極而發奇珍乃攄祥風之所
披拂膏露之所沾濡神不能闡其粹天不能表其符湯
涌逢涌溢為嘉禾蓋冥搜於玉筮茲快覲於皇都夫其
陸海廣輪神膏沃衍龍首通渠魚鱗疊畹蔚封畛兮縱
橫倬阡陌兮宛轉三推既倡兮九扈作勞黃茂聿滋兮
玄功斯顯則有玉山異種北里仙英濟陽九穗崑崙五
尋挹光華於日月凝沆瀣於太清卿雲照爛以垂覆景
星煒燁而流晶毓非常之元化挺秀質於金莖爾乃穎

擢丹霞顙抱明月豐枝
本尊瑋幹芳潔或珠聯於異畝
或琪映於同吸或兩儀分於混沌
或五氣散於輶轡或參乎乾畫之精
或象乎洛疇之列其生也后稷降靈
厲山遺烈種美畀於藍田萃商金於清樾
其用也含哺萬國芬芳九闔頤天顏於五位
肇王基於七月猗窠中之上瑞美閱世而
昭揭昔蒼姬之受命兮爰抽祕於唐叔
逮白水之真人兮值虹流而載育曰悠悠
其歷劫兮嗟未間乎芳躅匪至寶之不可
恒兮何寂寥於圖籙聖皇

建極兮超赫胥而軼大庭黃輿獻琛兮嘉禾乃登邇歲
耨兮千畝遠璀璨兮八紘由顧命越於今茲兮果何方
兮弗獲亦何歲兮弗生保介紛綸而奏御奇祥雜還於
汗青蓋千萬年之希睹而鴻濛剖判所未有之庥禎也
謂宜陟岱嶽告成功勒蒼崖樹穹窿跨冀英於堯除掩
蟠桃於漢宮何為乎僅升太廟之几聊陳尚膳之饗蔑
洪朗而弗耀抑崇峻以謙冲意者聖人之盛德兮慮非
所以章明賜而承昊穹於是好古先生拂然色厲正襟

諤諤而復之曰異乎子言所謂見一斑之文豹蔽豐蔀而測星躔者也吾聞之桑桑暮拱殷道以興芝房協律漢業幾傾蒼麟駟於鵠乘黃龍炫於吳京謂變者未必為咎疑祥者未必為禎其休其否此焉足憑嗟大鈞之寥濶兮二五交蒸神奇臭腐兮靡詭弗呈勘一抔一擠之榮亦造化之偶然兮夫何與於朝廷是故明王馭世不貴異物有兢兢而思慎曷顓顓於黼黻稽六府之重輕察三才之秒忽故以豐年為寶民食為天游神稼穡

雅意甫田躬儉耜御紺轅厘穆清之宵肝祇求裕乎元
元如其耕耘不擾疆理盡力多黍多稌時萬時億百室
開兮婦子寧百禮洽兮神人懌即大化之神明知協氣
之融液雖無嘉禾奚損至德如其疆理蕪溝遂廢鳴條
不時濯枝愆序田畷失其咨茹亞旅闕其樹藝黔黎艱
食風教刊蔽雖有嘉禾奚益世故今天子遠覽陶鈞之
上庶幾歸禾之旨視厥方貢讓而弗處有事寢園薦馨
而已蓋俯徇乎百辟非則倣乎夸詡子大夫不究本原

矜奇說異殊謬乎春秋之義語未卒勾吳文學攝齊而
進曰長卿有言楚既失矣齊亦未為得也且皇天樹后
以長世豈漠然其無情有錫羨以純佑或降威以宣懲
伊災祥之大致固在昔其明徵然而天道遠人道邇驗
善惡之幾先視后德何如耳有禾芊芊明盛之年飛紫
芒於堯陌垂金粟於舜田氣緣感而後應治有開而必
先以此為瑞瑞何疑焉若夫帝澤未流嘉禾聿穰搖盲
飈以扶踈潤怪雨而愛藹雖併穗之可觀實陰陽之多

戾出非其時是奚足貴名之曰妖又豈非類故夫麟一也遊郊者軒以之光西狩者周以之亡鳳一也岐山鳴而德茂潁川集而道荒彼四靈其畢爾豈茲禾之比方蓋以瑞稱之兮瑞未可必以妖視之兮妖亦非常亮神霄之有意非臧否其茫茫雖觀物而考德兮乃天人之並彰噫嘻為妖為瑞以昏以聖則大聖之握符必降康之綦盛方今巢燧當陽夔龍布令步玉斗懸金鏡匹夫軫於宸衷三農重於八政春臺若登寒暑皆應是以震

聲日景雲煜九玄貢華喬嶽輸英大川極薰蒸而旁魄
乃茁暢於天田所謂以和召和兮洵神理之自然豈比
夫赤烏與泰始空詫說於民間昔我高皇帝之紹天也
虎旅戢而化成龍門獻其嘉穗肆賁天章用歌敬畏不
侈大以自矜爰貽謀而錫類誠天寵其德而靈承其瑞
於今觀之維上克配而先生不考於此一以為希覩一
以為偶然弗原天而盡人得無立言之少偏伊欲照金
簡重瑤編表熙朝之鴻鑠邁周烈於千年務昭明乎聖

德乃論治之真詮文學語既從容而却先生斂容唯唯
諾諾顧謂徇華子曰此嘉禾之讜議也足勸賢而警虐
庶幾風人用備著作

樂章增宋史朝會樂章彼美嘉禾一莖九穗農疇告祥
史牒書瑞擊壤歡歌如京委積留獻春種昭錫善類
嘉彼合穎致貢升平異標南畝瑞應西成德至於地皇
祇效靈和同之象煥發祥經

五言排律原唐孟簡咏嘉禾合穎玉燭將成歲封人亦

自歌八方霑聖澤異畝發嘉禾共秀芳何遠連莖瑞且
多穎低甘露滴影亂惠風過表稔由神化為祥識氣和
因知興嗣歲王道舊無頗增無名氏嘉禾合穎天祚
皇王德神呈瑞穀嘉感時苗自秀證道葉方華氣轉騰
佳色雲披映早霞薰風浮合穎湛露淨祥花六穗垂兼
倒孤莖媚復斜應同唐叔獻稱慶比周家

詩散句增周庾信嘉禾雙合穎稻熟再含胎唐張籍
田有嘉穀隴數畝穗亦同宋夏竦眉山遠地蜀山西

九穗嘉禾忽效奇
元王憚嘉禾歲芊芊

御定佩文齋廣羣芳譜卷九

欽定四庫全書薈要卷一萬五百七十三

子部

御定佩文齋廣羣芳譜卷十

穀譜

大豆

按黑豆黃豆皆名大豆原譜分而為二今從齊民要術併合為一

原豆者莢穀之總名也大者謂之菽 增本草大豆有

黑白黃褐青斑數色 原黑豆處處有之苗高三四尺

蔓生莖葉蔓延葉團有尖色青帶黑上有小白毛秋開
小白花成叢結莢長寸餘多者五六粒亦有一二粒者

經霜乃熟緊小者為雄豆入藥良大者止堪食用作豉
及喂牲畜味生則平炒則熟煮則寒作豉主發散造醬
及生黃卷平牛食之溫馬食之冷一體之中用之數變
小兒以炒豆同猪肉食多壅氣致死十歲以上則無妨
服葦麻子及厚朴者並忌炒豆犯之脹滿致死黃豆亦
有大小二種種耘收穫苗葉莢其與黑豆無異惟葉之
色稍淡結角比黑豆稍肥其豆可食可醬可豉可油可
腐腐之滓可喂猪荒年人亦可充饑油之滓可糞地其

可然火葉名藿嫩時可為茹 增廣志有黃落豆有御

豆其豆角長有塲豆葉可食有青有黃者 齊民要術今世大

豆有黑白二種及長梢牛踐之名又有黑高麗豆鶯豆
大豆類也

彙考增詩豳風七月亨葵及菽 小雅中原有菽庶民

采之 采菽采菽筐之莒之傳菽所以芼太牢而待君

子也箋采之者采其葉以為藿三牲牛羊豕芼以藿王
饗賓客有生俎乃用鉶羹故使采之 原大雅蓺之荏

菽荏菽旆旆 增禮記檀弓啜菽飲水盡其歡 月令

孟夏之月天子食菽與雞注菽實享甲堅合屬水雞木

畜時熟食之亦以安性也 原左傳周子有兄而無慧

不能辨菽麥注菽大豆也豆麥殊形易別故以為癡者

之候 增戰國策張儀為秦連橫說韓王曰韓地險惡

山居五穀所生非麥而豆民之所食大抵豆飯藿羹注

藿菽之少者姚云史記後語作非菽而麥下文亦作菽

古語只稱菽漢以後方呼豆 史記周后稷本紀棄為

兒時屹如巨人之志其游戲好種樹麻菽麻菽美前
漢書鮑宣傳漿酒藿肉注師古曰藿豆葉也楊惲傳
惲報孫會宗書詩曰田彼南山蕪穢不治種一頃豆落
而為其人生行樂耳須富貴何時後漢書馮異傳王
郎起光武自薊東南馳晨夜草舍至饒陽蕪蔞亭時天
寒烈衆皆饑疲異上豆粥明旦光武謂諸將曰昨得公
孫豆粥饑寒俱解後帝即位使中黃門賜以珍寶詔曰
倉卒蕪蔞亭豆粥滹沱河麥飯厚意久不報晉書良

吏傳吳隱之介立有清操雖日晏歆菽不饗非其粟

隱逸傳翟莊端居葦門歆菽飲水州府禮命及公車徵

並不就 北齊書庾伏連傳冬至之日親表稱賀其

妻為設豆餅伏連問此豆因何而得妻對向於食馬豆

中分減充用伏連大怒典馬掌食之人並加杖罰 唐

書韋貫之傳貫之居貧歆豆糜自給 楊子子有含菽

縕絮而致滋美其親將以求孝也 列子周諺曰晨出

夜入自以性之恒歆菽茹藿自以味之極 呂氏春秋

得時之豆長莖短足其莢二七為族多枝數節競葉蕃

實淮南子河水中濁而宜菽焦氏易林中原有菽

以待饗食飲御諸友所求大得旦樹菽豆暮成藿羹

心之所樂志快心歡孝經援神契赤土宜菽春秋

佐助期豆神名靈殖姓樂長七尺大目通於時節原

東觀漢紀劉平嘗為餓賊所劫叩頭曰老母饑少氣力

待平為命願得還飯食母馳來就死涕泣發於肝膽賊

即遣去乃撫三斗豆以謝賊恩閔貢字仲叔太原人

也與周黨相友黨每過仲叔共啜菽飲水無菜茹 古

今注宣帝元康四年南陽雨豆 世說石崇為客作豆

粥咄嗟便辦恒冬天得韭萍蘆王愷為搯腕乃密貨崇

帳下都督問所以都督曰豆至難煮唯預作熟末客至

作白粥以投之韭萍蘆是搗韭根雜以麥苗爾 增鵲

冠子兩葉蔽目不見泰山雙豆塞耳不聞雷霆 拾遺

記樂浪之東有背明之國宜種百穀有繞明豆其莖弱

自相縈纏有傾離豆言其豆見日葉垂覆地食者不老

不疾 益都耆舊傳朱倉字卿雲之蜀從處士張寧受
春秋糴豆十斛屑之為糧閉門精誦寧矜之斂得米二
十石倉不受一粒 爾雅翼八月雨為豆花雨 原雙
槐歲抄溫陵人家中元前數日以水浸黑豆暴之及芽
以糠皮寘盆內鋪沙植豆用板壓長則覆以桶曉則曬
之欲其齊而不為風日損也中元則陳於祖宗之前越
三日出之洗焯漬以油鹽苦酒香料可為茹捲以麻餅
尤佳色淺黃名鵝黃豆生 弘治乙卯六月黥歛兩豆

隆慶六年四月陝西西寧衛天降黑豆徧地人食之
則氣閉

集藻賦增晉張華豆羹賦乃有孟秋嘉菽垂枝挺英是
刈是穫充簞盈筐香鑠和調周疾赴急時御一杯下咽
三嘆時在下邑頗多艱難空匱之厄固不輟懽追念昔
日啜菽永安

頌增宋蘇軾食豆粥頌道人親煮豆粥大衆齊念般若
老夫試挑一口已覺西家作馬

五言古詩原魏曹植應詔作者煮豆然豆其豆在釜中泣
本是同根生相煎何太急 晉陶潛歸園田居種豆南山
山下草盛豆苗稀晨興理荒穢帶月荷鋤歸道狹草木
長夕露沾我衣衣沾不足惜但使願無違

七言古詩增宋蘓軾豆粥君不見滹沱流澌車折軸公
孫倉皇奉豆粥濕薪破竈自燎衣饑寒頓解劉文叔又
不見金谷敲水草木春帳下烹煎皆美人萍蘆豆粥不
傳法咄嗟而辦石季倫干戈未解身如寄聲色相纏心

已醉身心顛倒自不知更識人間有真味豈如江頭千

頃雪色蘆茅簷出沒晨煙孤地確畚耜光似玉沙瓶煮

豆軟如酥我老此身無著處賣書來問東家住卧聽雞

鳴粥熟時蓬頭曳履君家去 方岳豆苗江南之筍天

下奇春風匆匆催上籬秦郵之薑肥勝肉遠莫達之長

負腹先生一鉢同僧居別有方法供齋蔬山房掃地布

豆粒不煩勤荷煙中鋤手分瀑泉灑作雨覆以老瓦如

穹廬平明發視玉髯磔一夜怒長堪冰茁自親火候瀹

魚眼帶生芼入晴雲梳碧絲高壓涎滑尊脆響平欺辛
螯焯晚菘早韭各一時非時不到詩人脾何如此雋咄
嗟辦庾郎處貧未為慣

詩散句原唐杜甫相攜行豆田秋花靄霏霏 增宋楊
萬里道邊籬落半遮眼白白紅紅徧豆花 唐張九齡

塲藿已成歲 杜甫豆子雨已熟 宋蘇軾秋霖暗豆

莢 陸游宿雨飽豆莢 豆莢雨中肥 林景熙蟲響

豆花秋 原唐杜甫南山豆苗早荒穢 增許渾童子

遙迎種豆歸 溫庭筠桑竹參差映豆花 宋陸游邊
實傍籬收豆莢 楊萬里晚紫豆花初總角 元李孝
光豆遺晨壠茅齊白 明高啓白豆花開片雨餘 原
孟淑卿豆花雨過晚生涼

別錄原種植槐無蟲宜豆夏至前後下種上旬種則花
密莢多宜甲子丙子戊寅壬午及六月三卯日忌西南
風及申卯日肥地宜稀薄地宜密纔出便鋤草淨為佳
使葉蔽其根不畏旱穫宜晚莢赤莖蒼葉微黃方穫

增崔寔月令二月可種大豆又二月昏參夕杏花盛桑
樵赤可種大豆謂之上時四月時雨降可種大小豆

雜陰陽書大豆生於槐九十日秀秀後七十日熟豆生

於申壯於子長於壬老於丑死於寅惡於甲乙忌於卯

午丙丁 齊民要術春大豆次植穀之後二月中旬為

上時一畝用子八升三月上旬為中時一斗四月上旬為下時

用子一斗二升歲宜晚者五六月亦得然稍晚稍加種子地不

求熟秋鋒之地即摘種地收刈欲晚此不零落必須耬

下種欲深故豆性強苗深則及澤鋒耩各一鋤不過再葉落盡然後刈

葉不盡刈則速耕大豆怕雨秋不耕則無澤種莢者用麥底一畝

用子三升先漫撒訖犁細淺耨而勞之旱則糞堅葉落稀則苗莖不高

深則土厚不生若澤多者先深耕訖逆垡擲豆然後勞之澤少則否

為其氾不速逢風則葉落九月中候近地葉有黃落者速刈之葉少不黃必氾

不速逢風則葉落盡遇雨澤爛不成汜勝之書曰大豆保歲易為宜古

之所以備凶年也謹計家口數種大豆率人五畝此田

之本也三月榆莢時有雨高田可種大豆土和無塊畝

五升土不和則益之種大豆夏至後二十日尚可種戴
甲而生不用深耕大豆須勻而稀豆花憎見日見日則
黃爛而根焦也 獲豆之法莢黑而莖蒼輒收無疑其
實將落反失之故曰豆熟於塲於塲獲豆即青莢在上
黑莢在下 汜勝之區種大豆法坎方深各六寸相去
二尺一畝得千六百八十坎其坎成取美糞一升合坎
中土攪和以內坎中臨種沃之坎三升水坎內豆三粒
覆上土勿厚以掌抑之令種與土相親一畝用種一升

用糞十六石八斗豆生五六葉鋤之旱者溉之坎三升
水丁夫一人可治五畝至秋收一畝中十六石 農政
全書種大豆鋤成行壟耬穴下種早者二月種四月可
食名曰梅豆 吳下田家志種豆宜甲子乙丑壬申丙
子戊寅壬午壬寅 原服食博物志人食豆三年則身
重行動難 左慈荒年法用大豆粒細調勻者生熟按
之令有光暖徹豆心內先日不食以冷水頓服訖一切
魚肉菜果不得復食渴飲冷水初小困十日後體力壯

健不思食 抱朴子相國張文蔚莊內有鼠狼穴養四子為蛇所吞鼠狼雌雄情切乃於穴外坌土壅穴俟蛇出頭度其回轉不便當腰咬斷而劈腹銜出四子尚有氣寘於穴外銜豆葉嚼而敷之皆活後人以豆葉治蛇咬蓋本於此 延年祕錄服大豆令人長肌膚益顏色填骨髓加氣力補虛能食不過兩劑大豆五升如作醬法取黃搗末以猪肪煉膏和丸梧子大每服五十丸至百丸溫酒下神驗祕方也肥人忌服 輟耕錄黃山谷

煮豆帖云煮黑豆法確豆一升按莎極淨用貫衆一斤
細剉如骰子同豆斟酌水多少慢火煮豆香熟日乾之
翻覆令展盡餘汁簸取黑豆去貫衆空心日啗五七粒
食百草木枝葉皆有味可飽也 荆湖近事陶華以鹽

煮黑豆常食之云能補腎蓋豆乃腎之穀其形類腎黑
色通腎引之以鹽所以妙也 李守愚侵晨并華水吞

黑豆五七粒謂之五臟穀至老視聽不衰 製用六月
六日以洗淨大黃豆煮熟取出候冷以麴為衣攤於席

上以衣蓋之又用青蒿燂一七取出曬乾搓去麩黃入缸煎紫蘇鹽湯候冷浸豆與水平每豆一升用鹽六兩浸過一夜取出和食香拌勻裝淨罈內令日曬四五日從新搜過一次再曬再搜四五次用

附錄 原魯豆

原魯豆

本草云魯乃自生稻名此豆野生故名

一名螢豆一名螢菽一名

治螢一名鹿豆一名驢豆黑豆中最細者即黑小豆也野生今下地亦種之小科細粒葉如葛霜後熟可蒸食

甘溫無毒炒焦黑熟投酒中治產後冷血

赤小豆

按廣雅云小豆荅也統而名之也齊民要術云小豆有綠赤白三種蠲豆蠶豆

留豆亦其類也今照本草分列於後

原赤小豆一名赤豆一名紅豆處處種之夏至後下種
苗高尺許葉本大末尖至秋開花淡銀褐色有腐氣莢
長二三寸比綠豆莢稍大色微白帶紅三青二黃時即
收之可煮可炒可粥飯可作麪食餡並良久服則津血
滲洩令人肌瘦身重合魚鮓食成消渴其稍大而鮮紅

淡紅者止可食用色赤黯而粒緊小者入藥甘酸平無
毒心之穀也性下行能入陰分行津液利小便消脹除
腫止吐治下痢腸澼解酒病除寒熱排膿散血通乳汁
下胞衣利產難水氣脚氣最為急需花名赤腐婢解酒
毒明目下水治小兒丹毒葉去煩熱煮食明目

彙考原吳志趙達傳達治九宮一算之術使人取小豆
數升播之席上立處其數驗覆果信 晉書郭璞傳璞
至廬江愛主人婢無由而得乃取小豆三升饒主人舍

散之主人晨見赤衣人數千圍其家就視則滅甚惡之
請璞為卦璞曰君家不宜畜此婢可於東南三十里賣
之慎勿爭價則此祟可除主人從之 歲時雜記共工
氏有不才子以冬至日死為疫鬼畏赤豆故是日作赤
豆粥厭之 田家五行十二月二十五日夜煮赤豆粥
大小人口皆食之在外之人亦留分以俟其歸謂之口
數粥亦驅瘟鬼之意

別錄增齊民要術赤豆三月種六月旋摘遲者四月種

亦可宜稀稠得所太密不實

綠豆

原綠豆

本草云綠以色名也舊作藜非

圓小者佳大者名植豆功用頗

同四月下種苗高尺許葉小而有毛至秋開小白花莢長二三寸比赤豆莢微小有二種粒麤而色鮮者為官綠又名明綠皮薄粉多粒小而色暗者為油綠又名灰綠皮厚粉少早種者名摘綠可頻摘也遲種者名拔綠一拔而已其用甚廣可作豆粥豆飯豆酒煬食炒食水

泡磨為粉澄濾作餌蒸糕溫皮壓索為食中要物亦可
喂牲畜真濟世良穀也性甘寒無毒肉平皮寒用宜連
皮解金石砒霜草木一切諸毒生研新汲水服反樞子
穀害人合鯉魚鮓食久則令人肝黃成渴病花及芽解
酒毒莢治赤痢

彙考增湘山野錄真宗深念稼穡聞占城稻耐旱西天
菜豆子多而粒大各遣使以珍貨求其種占城得種二
十石至今在處播之西天中印土得菜豆種二石不知

今之萊豆是否始植於後苑秋成日宣近臣嘗之仍賜
占稻及西天萊豆御詩 孫公談圃張文定嘗苦脚疾
無藥可療一日遊相國寺有賣藥者得萊豆兩粒服之
遂愈 原唐公之夔號抱一西粵人也言其地無萊豆
每承舍入京包中止帶斗餘多則至某江輒遇風浪不
能渡到彼中比於藥物凡患時疾者用等秤買一家煮
豆香味四達兩隣對門患病人聞其氣輒愈

別錄原種植綠豆宜刈了麻地上種之太早不生莢若

其年李不蛀則豆有收忌卯日下種 增種樹書種菜
豆地宜瘦四月種六月收子再種八月又收 原製用
豆廩先取濕沙納甕器中以綠豆勻撒其上如種藝法
深桶覆藏室中勿令見風日一次掬水灑透俟其苗長
可尺許摘取蟹眼湯綽過以料廩供之赤豆亦可然不
如綠豆之佳

白豆

原白豆一名飯豆小豆之白者也亦有土黃色者大如

綠豆而差長粥飯皆可用四五月種苗葉似赤小豆而
微尖嫩者可作菜亦可生食味甘平調中補五臟暖腸
胃腎之穀也腎病宜食浙東一種味更勝作醬作腐極
佳北方水白豆相似而不及 增本草一種藜豆葉如
大豆亦其類也

豌豆

原豌豆

本草綱目云其苗柔弱宛宛
故得豌豆名豌豆舊作豎音剡

一名胡豆

本草經云張騫

使外國得
胡豆種

一名戎菽

爾雅云戎菽謂之荏菽注云即胡
豆管子云桓公伐山戎以戎菽餽

布於天下 一名卑豆

崔寔月令作痺豆廣雅作痺豆又名曰留豆

一名青小豆 一

名青斑豆 一名麻累

本草綱目云嫩時青色老則斑麻故有諸名

一名回鶻

唐書云卑豆出回鶻地飲膳正要作回回豆即回鶻也

一名淮豆

農書云俗呼豌豆大者為淮豆

一名國豆

鄴中記云石勒改為國豆

種出西戎北土甚多八九月下

種亦有春種者蔓生有鬚葉似蒺藜葉兩兩相對嫩時

可食三四月開小花如蛾形淡紫色結莢形圓長寸許

子圓如藥丸嫩時可煮食老則可炒食可作麵食餠磨

粉麪甚白而細膩出西戎者大如杏仁百穀之中最為

先熟又耐久藏宜多種可和醬作滎豆去黠黯令面光
澤亦可喂馬性甘平無毒調榮衛平氣益中治消渴淡
煮食之良煮食殺鬼毒心病下乳汁研末塗癰腫痘瘡
集藻狀增唐陸贄請依京兆所請折納事狀京兆府先
奏當管蟲食豌豆全然不收請據數折納大豆奉勅宜
依度支續奏稱據時估豌豆每斗七十價已上大豆每
斗三十價已下京兆府所請將大豆替豌豆望令各據
估計錢數折納則冀免損官司者求瘼救災國之令典

求瘼在知其所患救災在恤其所無只如螟蛾為殃豌豆全損檢覆若非虛謬地稅固合免徵直道而行大體斯在司府折納充數已為尅下從權度支準估計錢乃是幸災規利所得無幾其傷實多傷風得財非謂理道且豌豆為物入用甚微舊例所支唯充畜料準數廻給大豆諸司誰曰不然計價剩徵義將安在理無所據事不可從望依前勅處分未審可否

別錄增農政全書玄扈先生曰豌豆與蠶豆各種蠶豆

之利倍於豌豆十倍其耐陳則一也

蠶豆

以下四種原列蔬譜今從本草移入於此

原蠶豆一名胡豆

本草綱目云豆莢狀如老蠶故名王楙農書謂其蠶時始熟故名亦通吳

瑞本草以此為豌豆誤矣此種豆亦自西胡來雖與豌豆同名同時種而形性迥別太平御覽云張騫使外國得胡豆種歸指此也今蜀人呼此為胡豆而豌豆不復名胡豆矣

南北皆有蜀中尤多

八月下種冬生嫩苗可茹莖方而肥中空葉狀如匙頭圓而下尖面綠背白柔厚一枝三葉二月開花如蛾狀紫白色結莢連綴蜀人收其子備荒性甘微辛平無毒

快胃和臟腑解酒毒誤吞金銀等物者用之皆效

集藻七言律詩增宋楊萬里招陳益之李兼濟二主管
小酌益之指蠶豆云未有賦者戲作七言翠莢中排淺
碧珠甘欺崖蜜軟欺酥沙瓶新熟西湖水漆樞分嘗曉
露腴味與櫻梅三益友名因蠶繭一絲絢老夫稼圃方
雙學譜入詩中當稼書

別錄增農桑通訣蠶豆百穀之中最為先登 農政全
書玄扈先生曰蠶豆種花田中冬天不拔花秸用以拒

霜至清明後拔之 蠶豆八月初種臘月宜厚壅之此種極救農家之急且蝗所不食

豇豆

原豇豆一名豇蠶

音絳蠶本草綱目云此豆紅色居多英必雙生故有豇豇蠶之名廣雅指

為胡豆誤矣

處處有之穀雨前後下種者六月子便可種一

年可兩收四月種者七八月收一種蔓長丈餘一種蔓短懸架則蕃鋪地則不甚旺宜灰壅其葉俱本大末尖嫩時可茹其花有紅白二色莢有白紅紫赤斑駁數色

長者至二尺生必兩兩並垂有習坎之義子微曲如人
腎形所謂豆為腎穀者宜以此當之性甘鹹無毒理中
益氣補腎健胃和五臟調營衛生精髓止消渴吐逆泄
痢小便數與諸疾無禁但水腫忌補腎不宜多食此豆
嫩時充菜老則收子可穀可果可菜取用最多豆中上
品也

別錄原本草昔盧廉夫教人補腎氣每日空心煮豇豆
入少鹽食之大有益 袖珍方中鼠莽毒者以豇豆汁

飲即解欲試者先刈鼠莽苗以汁潑之便根爛不生此則物理然也

附錄 黎豆

原黎豆一名貍豆一名黎沙一名獵沙

見古今注

其大者名

虎豆一名虎沙

爾雅云櫛虎粟注云今虎豆江東呼為櫛本草綱目云爾雅虎粟即貍豆也

古人謂藤為粟後人訛粟為貍矣又云黎黑色也此豆莢老則黑色有毛露筋如虎貍指爪其子亦有點如虎貍之斑煮之汁黑故有諸名 野生山中人亦有種之者三月下種生

蔓葉如豇豆但文理偏斜六七月開花成簇紫色狀如

扁豆花一枝結莢十餘長三四寸大如拇指有白茸毛
老則黑而露筋宛如乾熊指爪之狀其子大如刀豆淡
紫色有斑點如狸文煮去黑汁同豬雞肉再煮食味乃
佳

附馬豆
錄

增古今注馬豆一名馬沙似虎豆而小實大如指亦可
食也

彙考增雲仙散錄品物類聚曰白馬豆食之齒齲虢國

夫人厨吏鄧連以洗豆皮作靈沙臠供翠鴛堂

菹豆

原菹豆一名沿籬豆一名蛾眉豆

本草云菹本作扁莢形扁也沿籬蔓延也

蛾眉象豆脊白路之形也

二月種蔓生人家多種之籬邊或以竹木

架起每义三枝一居頂二對生一枝三葉亦一居頂二對生葉大如杯圓而有尖花有紫白二色狀如小蛾有翅尾形莢生花下花卸而莢現及老長寸餘有青白二色形凡十餘樣或長或團或如龍爪虎爪或如豬耳刀

鎌種種不同皆累累成枝一枝十餘莢成穗白露後實

更繁衍子有黑白赤斑四色

圖經本草云黑者名鵲豆蓋以其黑間有白道如鵲

也羽每莢子或一或二三一種莢硬不堪食惟豆子麤圓

而色白者可入藥微炒用氣味甘微溫無毒和中下氣

消暑暖脾胃除濕熱止消渴解酒毒河豚魚毒一切草

木毒

集藻增明王伯稠涼生豆花豆花初放晚涼淒碧葉陰

中絡緯嘯貪與隣翁棚底話不知新月照清溪

別錄原月令廣義芒種前扁豆開花主水 種植清明
下種以草灰蓋之不用土覆芽長分栽搭棚引上 增
農政全書玄扈先生曰以口向上種之粒粒出若扁種
十不出一蓋豆瓣重頂土不起故爛

刀豆

原刀豆一名挾釵豆

拾遺記云樂浪之東有融澤有挾釵豆其莢形似人挾釵橫斜而生

此即人家多種之蔓引一二丈葉如豇豆葉而稍長大五

六七月開紫花結莢長者近尺微似阜莢扁而釵脊三

稜嫩青煮食醬醃蜜煎皆佳老則微黑子大如拇指頂
淡紅色同雞猪肉煮食甚美氣味甘平無毒溫中下氣
利腸止飢逆益腎補元

別錄原本草綱目一人病後飢逆不止聲聞隣家或令
取刀豆燒存性白湯調服二錢即止此亦取其下氣歸
元而逆自止也 種植將地鋤鬆深半尺熟糞拌勻清
明時先用布濕微水潤豆令脹將見芽鋤前土作穴每
穴一粒側放入不可深此豆體重深則難出上用鋸末

拌土薄蓋一層一云用草灰日日澆令濕俟生蔓竹木架起

大靈豆

增貴耳錄大靈豆華山陳搏有靈豆服一粒四十九日不饑筋力如故顏色若嬰兒世罕得服之者

木豆

增交州記木豆出徐僮間子美似烏頭大葉似柳一年種數年採

靈光豆

增杜陽雜編大歷中日林國獻靈光豆大小類中國之
菜豆其色紅而光芒長數尺本國人呼為詰多珠和石
上菖蒲葉煮之即大如鵝卵其中純紫稱之可重一斤
已上啖之香美無比數日不復言饑渴

佛豆

增孟部方物畧記佛豆粒甚大而堅農夫不甚種唯圃
中蒔以為利以鹽漬食之小兒所嗜

集藻贊增宋宋祁佛豆贊豐粒茂苗豆別一類秋種春
斂農不常蒔

脂麻

原脂麻

俗作芝麻者非

一名油麻 一名胡麻

夢溪筆談云胡麻直是今油麻張騫

始自大宛得油麻之種故名胡麻以別中國之大麻也本草云油麻脂麻謂其多脂油也

一名巨勝

本草云巨勝即胡麻之角巨如方勝者

一名方莖

以莖名

一名狗蝨

以形名 一

名藤弘

見廣雅本草云藤弘者弘亦巨也

一名交麻

杜寶拾遺記云隋大業中改為交麻

陶弘景曰胡麻八穀之中惟此為良李時珍曰脂麻有

早晚二種黑白赤三色莖皆方高者三四尺葉光澤有本團而未銳者有本團而未分三了如鴨掌形者葛洪謂一葉兩尖為巨勝蓋不知烏麻白麻皆有二種葉也秋開白花似牽牛花而微小亦有帶紫艷者節節生枝結角長者寸許四稜六稜者房小而子少七稜八稜者房大而子多皆隨地肥瘠蘓恭謂四稜為胡麻八稜為巨勝謂其房大勝諸麻也其枝四散者角繁子多一莖獨上者角稀子少取油以白者為勝可以烹煎可以然

點服食以黑者為良胡地者子肥大其紋鵲其色紫黑
取油亦多尤妙其色黑入腎能潤燥也赤者狀如老茄
子錢乙治痘瘡變黑歸腎用赤脂麻煎湯送百祥丸取
其解毒耳

彙考增拾遺記樂浪之東有背明之國宜種百穀有通
明麻食者夜行不持燭是苕藤也食之延壽後天而老
原神仙傳魯女生長樂人初餌胡麻及朮絕穀八十
餘年日少壯色如桃花日能行三百里走及麋鹿增

雞肋篇胡麻俗呼芝麻言其性有八拘謂雨暘時薄收

大旱方大熟開花向下結子向上炒焦壓榨才得生油

膏車則滑鑽鍼乃澀也 本草俗呼胡麻須夫婦同種

則茂盛故本事詩云胡麻好種無人種合是歸時底不

歸 原天台志劉晨阮肇入天台採藥失道食盡見桃

實食之覺身輕行數里至溪許持杯取水見一杯流出

有胡麻飯溪邊二女子笑曰劉阮二郎捉向所失流杯

來便迎歸作食既出無復相識至家子孫已七世矣

集藻賦增宋蘇軾服胡麻賦并序始余嘗服伏苓久之
良有益也夢道士謂余伏苓燥當雜胡麻食之夢中問
道士何者為胡麻道士言脂麻是也既而讀本草云胡
麻一名狗蝨一名方莖黑者為巨勝其油正可作食則
胡麻之為脂麻信矣又云性與伏苓相宜於是始異斯
夢方將以其說食之而子由賦伏苓以示余乃作服胡
麻賦以荅之世間人聞服脂麻以致神仙必大笑求胡
麻而不可得則必求山苗野草之實以當之此古所謂

道在邇而求諸遠者歟其詞曰我夢羽人頽而長兮惠
而告我藥之良兮喬松千尺老不僵兮流膏入地龜蛇
藏兮得而食之壽莫量兮於此有草衆所嘗兮狀如狗
蚤其莖方兮夜炊晝曝久乃臧兮伏苓為君此其相兮
我興發書若合符兮乃瀹乃烝甘且腴兮補填骨髓流
髮膚兮是身如雲我何居兮長生不死道之餘兮神藥
如蓬生爾廬兮世人不信空自劬兮搜抉異物出怪迂
兮槁死空山固其所兮至陽赫赫發自坤兮至陰肅肅

躋於乾兮寂然反照珠在淵兮沃之不滅又不燔兮長
虹流電光燭天兮唯此區區何與於其間兮譬之膏油
火之所傳而已耶 元戴表元胡麻賦六月亢旱百稼
槁乾有物沃然秀於中田是為胡麻外白中玄嘻微心
之良苦徵日御而周旋朝舒翹以東嚮夕偃媚而西遷
若餞迎之有節閱旦旦而不愆有一儒者睹而異之曰
是物其有識可比義於戎葵惟太陽之委照疇一物之
得遺彼芄然以自遂有得氣而不知獨輸勤於畎畝致

展轉於遐暉迹其華粲粲以淡成榦亭亭而直致陰回
翔以盖属膏湛渟而珠媚疑本質之過清常凝溫而抱
粹庸遇暎以不傷表孤妍於衆悴且其茫本近仁嚮明
近智蹈約而不移近信在困而能恭近義故論胡麻者
以為君子之道四宜乎以爾登良醫之篋衍依飛仙之
服餌也

詩散句原唐王維御羹和石髓香飯進胡麻 增宋梅
堯臣傍枝延扶疎脩莢繁橐韜 胡麻養氣血種以督

兒曹 原明馮琦居然在玄圃不必飯胡麻 增唐曹

唐白羊成隊難收拾吃盡溪邊巨勝花 宋陸游胡麻

刈罷下麴初引水家家灌晚蔬 欲曬胡麻愁屢雨

別錄原種植須肥地荒地亦可但多加糞二三月為上
時四月上旬為中時五月上旬為下時望前種實多而
成望後種子少多糶每畝二升取沙土中拌和之則入
地勻須多種宜甲子壬申丙子壬午及六月三卯日忌
南風及辛亥寅末日 收割鋤三四徧逾多逾妙頻鋤

草淨簡熟者先獲束欲小大則難乾五六束一攢斜倚之使風得入候口開以小杖微打令子出仍攢之三日一打四五遍乃淨曬乾收藏服食抱朴子云用上黨胡麻三斗淘淨甑蒸令氣徧日乾以水淘去沫再蒸如此九度以湯脫去皮簸淨炒香為末白蜜棗膏丸彈子大每服溫酒化下一丸日三忌毒魚狗肉生菜服至百日除一切痼疾一年身面光澤不饑二年白髮返黑三年齒落更生四年水火不能害五年行及奔馬若欲下

之飲葵菜汁 孫真人云用胡麻三升去黃褐者蒸三十遍微炒香為末入白蜜三升杵三百下凡桐子大每旦服五十丸人過四十以上久服明目洞視腸柔如筋取用漬汁和麪至勃滑人身生肉丁者擦之即愈七月七日采烏麻花最上頭者陰乾為末烏麻油漬之眉毛不生者日塗之即生又生禿髮 稽入米倉內米不蛀燒灰入點痣及去惡肉方中用除夜撒之房卧内外云可避邪又生脂麻單條者名霸王鞭豎卧房前亦云

可祛鬼 葉湯浸良久涎出稠黃色婦人用梳頭沐髮

去風 家塾事親油生笮者良有潤燥解毒止痛消腫

之功蒸炒者止可食用及然點不堪入藥入藥以烏麻

油為上白麻油次之須自笮者可用市者恐偽臘月油

久放不壞點燈照蠶辟蟲熬膏藥極效搽婦人頭髮黑

光不臭不生蟻虱 麻餅笮去油麻滓也亦名麻粃可

食荒歲人以救饑入鹽作醬甚滑膩又可養魚肥田周

禮彊藥用黃亦此義也 增好事集以胡麻麴啖犬則

光黑而駿使獵必大獲又可得三十歲 物類相感志
芝麻其燒煙熏紙被不作聲

附錄 青蘘

原青蘘一名夢神一名胡麻巨勝苗也一作葉服食家
作菜用其法秋間取巨勝子種肥地畦中如種菜法苗
出鋤令無草乾即灌水采食滑美如葵

附錄 亞麻

增本草亞麻一名鴟麻一名壁蝨胡麻蘓頌曰出兗州

威勝軍苗葉俱青花白色李時珍曰陝西人亦種之其實亦可榨油然燈氣惡不堪食

御定佩文齋廣羣芳譜卷十

謹案卷九第四頁前三行大雨淋集刊本淋訛林

據易林改

第九頁後六行春鳥星昏中以種稷刊本星昏訛
昏星據禮記疏改

第二十三頁後三行孟狼尾刊本孟訛孟據爾雅
改

卷十第二頁後七行史記後語作非菽而麥刊本
非訛飯據史記及高誘戰國策改

第六頁後三行賣書來問東家住刊本問訛何據

蘓詩改


第六頁後八行一夜怒長堪冰菹刊本菹訛苴據

秋崖小藁改

第二十四頁後三行膏車則滑刊本膏訛藁據雞

肋編改





總校官庶吉士臣侍朝

校對官檢討臣王福清

謄錄監生臣王以謹